

**Uunga siunnersuut: Nalunaarasuartaatitigut atassuteqarneq nalunaarasuartaatitigullu
kiffartuussinerit pillugit Inatsisartut inatsisaat nr. xx, xx. xxx 2017-imeersoq**

Kapitali 1

Kisermaassinermit aalajangersakkat

§ 1. Namminersorlutik Oqartussat Kalaallit Nunaanni, Kalaallit Nunaannut aamma Kalaallit Nunaanniit nalunaarasuartaatitigut atassuteqarnermik neqerooruteqartartut, kiisalu Kalaallit Nunaanni nalunaarasuartaatitigut attaveqarnermut atortunik, pilersuisut atuisullu akornanni attaveqaatit naapiffiisa (nettermineringspunkt) akornanni imaluunniit illoqarfiit nunaqarfiillu akornanni aammalu nunanut allanut atortut elektroniskiusut atorlugit attaveqaqatigiinnissamik ajornarunnaarsitsisut sanaartornerini ingerlanneqarnerinilu kisermaassisuupput.

Imm. 2. Imm. 1 naapertorlugu kisermaassinermit pineqanngillat:

- 1) radiukkut atassuteqarneq aamma radiukkut aallakaatitsinermit frekvensenik atugassanngortitsineq, aamma
- 2) imaatigut ajunaalernerni isumannaallisaanikkullu sullissinerit.

Imm. 3. Namminersorlutik Oqartussat kisermaassineranni ilaatinneqanngillat atortut soorlu:

- 1) naalagaaffimmi oqartussat kommunilluunniit taamaallaat namminneq oqartussaaffimminni nalunaarasuartaatitigut attaveqarnissamut pisariaqartitsinerannut immikkut ittunut atugassat nalunaarasuartaatitigut aqqusersuutini tamanut ammasuni nalinginnaasuni periarfissiinngitsut, imaluunniit
- 2) illuutigisap iluani imaluunniit illuutigisat arlariit ataatsimik piginnittoqartut akornanni taamaallaat atorineqartut, atortut illoqarfimmi nunaqarfimmiluunniit ataatsimiippata, imaluunniit.

§ 2. Naalakkersuisut kiffartuussinerit § 1, imm. 1-imi taaneqartut ammanerulersinneqarnissaat pillugu aalajangiisnaapput.

Imm. 2. Imm. 1-imi nalunaarasuartaatitigut attaveqarnermut atortut, pilersuisut atuisullu akornanni attaveqaatit naapiffiisa (nettermineringspunkt) akornanni imaluunniit illoqarfiit nunaqarfiillu akornanni aammalu nunanut allanut atortut elektroniskiusut atorlugit attaveqaqatigiinnissamik ajornarunnaarsitsisut pineqanngillat.

Imm. 3. Naalakkersuisut nalunaarasuartaatitigut attaveqarnermut imm. 2-mi taaneqartut ammanerulersinneqarnissaannik aalajangiisnaapput, tassani teknologi pineqartoq silaannakkut aallakaatitsissutit atorlugit nuussisarneq aallaavigineqarpat, aammalu taamaallaat illoqarfiit imaluunniit nunaqarfiit ataasiakkaat iluanni atorineqartussatut naatsorsuussaappata. Ammanerulersitsinissaq aalajangiunneqarpat

Nalunaarasuartaateqarnermi Aqutsisut (Telestyrelsen) pisuni immikkut ittuni teknologimi pineqartut atortut kabelillit atorlugit atuinissamut akuersissuteqarsinnaapput.

Imm. 4. Naalakkersuisut radiukku tv-kkullu aallakaatitanik siaruarternissaq pillugu aalajangiisnaapput.

Imm. 5. Naalakkersuisut nalunaarasuartaatitigut kiffartuussinerit aamma nalunaarasuartaatitigut attaveqaatit, imm. 1 aamma 3 naapertorlugit ammanerulersinneqartut pillugit aalajangersaasnaapput..

§ 3. Naalakkersuisut apparatinik atortunillu, nalunaarasuartaatitigut attaveqaatinut atatillugu attavilerneqartunik imaluunniit atorneqartunik, kiisalu sanaartukkanik immikkut ittunik siunertaqarfiusumik atorneqartunik ammanerulersitsisoqassanersoq pillugu aalajangiisnaapput.

Imm. 2. Naalakkersuisut apparatit atortullu tamanut ammasumik nalunaarasuartaatitigut attaveqarnermi aqquatinut atassuserneqartut taakkunungaluunniit atatillugu atorneqartut pillugit malittarisassanik piunasaqaatinillu aalajangersaasnaapput:

1) Aaqqissuusaaneri, suliarineqarneri, inissinneqarneri, ingerlanneqarneri atorneqarnerilu pillugit.

2) Atortunik apparatinillu akuersissuteqartarneq pillugu.

3) Atortulersuutit ikkussukkallu nakkutiginerat takusartarnerallu pillugu.

Kapitali 2

Isumasiuutit

§ 4. Inatsisartut inatsisaanni matumani nalunaarasuartaatitigut kiffartuussinermi pineqartut tassaapput kiffartuussinerit, nipitut, assitut, allakkatut taakkuluunniit akuleriisillugit radiukku nalunaarasuartaatitigulluunniit attaveqaatigiinnermi atortut atorlugit pilersuisut atuisullu akornanni attaveqaatit naapiffiisa (nettermineringspunkt) akornanni tamakkiisumik ilaannaasumilluunniit elektroniskiusumik nuunneqartartut, taakkununga ilaallutik siumut utimullu attaveqaatigiinnerit imaluunniit siumuinnaq attaveqarnerit, aallaavimmiit aallaavimmut attaveqaatigiinnerit aammalu aallaavimmiit aallaavimmut tamanut atuuttumut attaveqaatigiinnerit.

Imm. 2. Inatsisartut inatsisaanni matumani pilersuisut atuisullu akornanni attaveqaatit naapiffiat (nettermineringspunkt) pineqartoq tassaavoq nalunaarasuartaatitigut attaveqaatit ilusilersugaaneranni atortulersuutit imaluunniit atortut naaffii, atuisuusup attassusiivigisai. Naalakkersuisut atortut naaffii taaneqartut qanoq paasineqarnissaat pillugu maleruagassiorsinnaapput.

Imm. 3. Inatsisartut inatsisaanni matumani atuisuusutut taaneqartut tassaapput nalunaarasuartaatitigut kiffartuussinernik atuisut, niuernerimik tunngaveqarani nalunaarasuartaatitigut kiffartuussinernik pineqartunik allanut atugassiisuusut.

Kapitali 3

Akuersisummi aalajangersakkat

Akuersissummik nalunaaruteqarneq

§ 5. Naalackersuisut sanaartukkanut, nalunaarasuartaatitigut attaveqaqatigiinnermut atortut ingerlanneqarnerinut aamma nalunaarasuartaatitigut, taakkunungalu qaammataasatigut ilangullugit, kiffartuussinernik neqerooruteqarnermut akuersissutinik nalunaaruteqarsinnaapput.

Imm. 2. Akuersissummik pigisaqartup akuersissuteqarfiusumi ammanerulersitsinikkut imaluunniit suliassaqaarfinnut imm. 1-imi taaneqartunut immikkut pisinaatitaaffeqartitsinerup atuutsinneqalerneratigut annikillissutissat sapissanngilai.

Imm. 3. Naalackersuisut akuersissummut tunngatillugu maleruagassiorsinnaapput:

- 1) Sullississutini pineqartuni atorsinnaassusissatut sullissinerullu qaffasissusissaatut piumasaqaatinik.
- 2) Akilersueriaatsinik atuinermullu piumasaqaatinik akuersissuteqarnissamut.
- 3) Akuersissummik pigisaqartup maleruagassiornermi piumasaqaatinillu aalajangersaanermi, kiisalu nakkutilliinermi misissuinermilu suleqataanissamut pisussaaffeqarneranut.
- 4) Akuersissummik pigisaqartup immikkut iluanaaruteqarani imaluunniit toqqaannartumik amigartooruteqarani suliassanik immikkut ittunik suliaqarnissamut pisussaaffeqarneranut.
- 5) Nalunaarasuartaatitigut attaveqaqatigiinnermi inuiaqatigiinnut pingaarutilimmi immikkut pisoqartillugu tamatuma Namminersorlutik Oqartussanut aningaasartuutaanngitsumik ingerlanneqarnissaanik qulakkeerinissamut ingerlatsinissamullu.
- 6) Akuersissummik pigisaqartup akeqanngitsumik nunat allat nunallu iluani suleqatigiiffinni peqataaneranut.
- 7) Akuersissummik pigisaqartup ingerlaneranik nakkutilliinermut, tassunga ilaallutik taarsigassarsisarnermik periaatsinik, kiisalu nalunaarasuartaatitigut attaveqaqatigiinnermut atortunik ineriartortitsinermik aserfallatsaaliuinissamillu aalajangersaaneq.

Nalunaarasuartaatitigut attaveqaatinik, kabelinik ledninginillu il.il. inissiineq.

§ 6. Akuersissummik pigisaqartoq nunaminertanik atuinermut pilersaarusionermullu Inatsisartut inatsisaanni maleruagassat naapertorlugit nalunaarasuartaatitigut attaveqaatinik ikkussuisinnaavoq, tassanissaarlu aamma nalunaarasuartaatinut kabelit pineqarput.

Imm. 2. Akuersissummik pigisaqartoq nalunaarasuartaateqarnermut atortulersuutinik illuutini pisortanit namminersortunillu pigineqartuni ikkussuinissamut pisinnaatitaavoq. Suliassat suliarineqarnerini piginnittup atuisulluunniit atortut inissiffissaattut kissaataasa annertunerpaamik malinniarneqarnissaat sapinngisamik anguniarneqassaaq.

Imm. 3. Akuersissummik pigisaqartoq nalunaarasuartaateqarnermi attaveqaatit pisinnaasaannik allanngutsaaliuinermut atatillugu tamanna pisariaqartinneqarpat, aammalu atuisumut imaluunniit piginnittumut siumoortumik ilisimatitsereernikkut nalunaarasuartaatitigut atortulersuutinik nakkutilliinermut suliaqarnermullu atatillugu uppenarsaammik iluameersumik eqqartuussivitsigut aalajangigaanngitsumik takutitsinikkut

illuutitut pisortanit namminersortunillu allanit pigineqartunut isernissamik piunasaqarsinnaavoq.

Imm 4. Illuutini pisortanit namminersortunilluunniit allanit pigineqartuni nalunaarasuartaatitigut atortulersuutinik kabelinillu ikkussuinermit aserfallatsaaliuinernullu, aammalu taakkuninnga nakkutilliinermit atatillugu annaasat taarsiiffigineqarnissamut maleruagassat atuuttut malillugit taarsiiffigineqarsinnaapput.

§ 7. Ikkussuiffinnik kabeleqarfinnilluunniit akuersissummik pigisaqartup pigisaanik ikkussuiffiusimasuni akuersissummik pigisaqartoq akuersiteqqaarnagu illuliortoqarsinnaanngilaq nunaluunniit assallugu sulisoqarsinnaanani imaluunniit allanik iliuuseqartoqarsinnaanani, nalunaarasuartaateqarnermi atortut akornusersorneqarnissaannik ajoquserneqarnissaannilluunniit kinguneqarsinnaasunik.

Taarsiineq

§ 8. Akuersissummik pigisaqartoq atortuni, Namminersorlutik Oqartussat kisermaassisuuffigisaani akornusersuinerup, kinguaattoornerup, maskiinanik unittoornerup imaluunniit ingerlatsinermit kukkusumik suliaqarnerup kingunerisaanik annaasanut taarsiissuteqarnissamut pisussaataaangilaq.

Naalackersuisunut ilisimatitsisarneq

§ 9. Naalackersuisutakuersissummik pigisaqartup siulersuisuini siulittaasoq taassumalu tullia pissutsinik akuersissummik pigisaqartup suliffeqarfiutaanut tunngasunik ilisimasariaqartunik Naalackersuisunut ilisimatitsisarnissamik pisussaatisinnaavaat.

Imm. 2. Akuersissummik pigisaqartup siulersuisuini siulittaasup taassumalu tulliaata Naalackersuisunut soqutiginaateqartutut isumaqarfigineqarsinnaasut pillugit nammineerlutik Naalackersuisut ilisimatittassavaat.

Kapitali 4

Nalunaarasuartaateqarnermut Aqutsisut

Nalunaarasuartaateqarnermi Aqutsisut suliassaat

§ 10. Nalunaarasuartaateqarnermi Aqutsisut aqutsisoqarfiuvoq nammineq ingerlalluni nammineq pisortaartoq.

Imm. 2. Nalunaarasuartaateqarnermi Aqutsisut nalunaarasuartaatitigut atassuteqarnermi ilaatigut suliassaraat:

- 1) Naalackersuisunut siunnersuisarneq.
- 2) Ineriartornermik nakkutilliineq
- 3) Kisitsisitigut paasissutissanik katersineq.
- 4) Inatsisissanik siunnersuusiorneq.

- 5) Nalunaarasuartaatitugt kiffartuussinerni piumasaqaatissanik akinillu siunnersuusiorneq.
- 6) Akuersissummik, pilersuisussaataaermermik sullissisunillu allanik nakkutilliineq.
- 7) Inatsisartut inatsisaata matuma malinneqarnissaanik aamma taanna naapertorlugu maleruagassatut piumasaqaatitullu aalajangersakkat malinneqarnissaannik nakkutilliineq.
- 8) Naalackersuisut suleqatigalugit nunani tamalaani aaqqissuussanut atassuteqarnernik isumagisaqarneq.
- 9) Nalunaarasuartaateqarnermi tunngasunut Danmarkip Kalaallit Nunaatalu akornanni atassuteqarnernik isumagisaqarneq Naalackersuisut suleqatigalugit.

Imm. 3. Aammattaaq nalunaarasuartaateqarnermi aqutsisut radiukkut atassuteqarneq ingerlatarissavaat.

Imm. 4. Naalackersuisut suliassat imm. 2-mi 3-milu taaneqartut saniatigut suliassanik allanik Nalunaarasuartaateqarnermi Aqutsisunut suliakkiisinnaapput.

Naalakkisinnaaneq

§ 11. Naalackersuisut Nalunaarasuartaateqarnermi Aqutsisunut suliassani aalajangersimasuni oqartussaasutut suliassat isumaginissaannut, suliani ataasiakkaani sullissinerup aalajangiinissallu isumaginissaannut imaluunniit peqqussutip matuma taassumalu nassatarisaanik allaffissornikkut peqqussutaasut malitsinnissaat qulakkeerniarlugu Nalunaarasuartaateqarnermi Aqutsisut nakkutilliisussaataaermermik isumagisaqarnissaanut naalackersinnaanngilaat.

Paasisutissisussaataaneq

§ 12. Nalunaarasuartaateqarnermi Aqutsisut nakkutilliinissaq, isumaqatigiissitsiniarnissaq, aalajangiinissaq allanilluunniit misissuinissaq siunertaralugu paasisutissanik attuumassuteqartutut naliliiffigineqartunik tamanik nalunaarasuartaatitugut kiffartuussinernik sullissisunut piumasaqarsinnaapput.

Nipangiussisimasussaataaneq

§ 13. Nalunaarasuartaateqarnermi Aqutsisuni sulisut Kalaallit Nunaanni pinerluttulerinermut inatsit naapertorlugu akisussaaffeqarlutik inuunnaat imaluunniit suliffeqarfiit aningaasaqarnikkut inissisimanerannut paasisutissat suliassaminnik isumagisaqarnerminni ilisimalikkatik eqqarsaatigalugit susassaqanngitsunut pinngitsooratik nipangiussisussaataaertertik ataqqissavaat.

Imm. 2. Taamatut pisussaaffiliineq aammattaaq ikiortinut sulianik paasisimasalinnut, kiisalu allanut, Nalunaarasuartaateqarnermi Aqutsisut isumaqatigiissuteqarfiginerisigut suliassamik tiguisimasanut pissutsinillu pineqartunik ilisimasaqalersimasunut tamanut atuuppoq.

Imm. 3. Tamanna suliffeqarfimmut isumaqatigiissutaasimappat, taamatut pisussaaffiliineq sulisunut suliffimmi sulinerminni pissutsinik imm. 2-mi taaneqartunik ilisimasaqalersunut tamanut atuuppoq.

Nalunaarusiortussaaitaaneq

§ 14. Nalunaarasuartaateqarnermi Aqutsisut pissutsit Nalunaarasuartaateqarnermi Aqutsisut aqutsinerannut tamakkiisumut attuumassuteqartut pillugit Naalackersuisunut nalunaarusiortussaaitaapput, taassunga ilaallutik suliassat ataasiakkaat annertunerusut, Naalackersuisunut ilisimassallugit soqutiginaateqartutut isumaqarfigineqarsinnaasut.

§ 15. Nalunaarasuartaateqarnermi Aqutsisut nakkutilliinerminnut atatillugu namminneerlutik misissuisassapput, paasiniaasassapput il.il. Taamatut paasiniaaneq misissuinerlu nalunaarasuartaateqarnermik suliassa qarfinnit aningaasalersorneqartassaaq.

Imm. 2. Nalunaarasuartaateqarnermi Aqutsisut ukiumoortumik nalunaarasuartaateqarnerup iluani suliassa qarfinnut imaluunniit isummerfigisassanut, ukiuni tulliuttuni nalunaarasuartaateqarnermi aqutsisut immikkoortortanut annertunerusunik aningaasaliissuteqarnikkut paasiniaanernik misissuinerllu aallartitsinissamik pisariaqartitsiviusut pillugit Naalackersuisunut siunnersuuteqartassapput.

Imm. 3. Naalackersuisut paasiniagassanik allanik nalunaarasuartaateqarnermi Nalunaarasuartaateqarnermi Aqutsisunut suliakkiisinnaapput.

§ 16. Nalunaarasuartaateqarnermi Aqutsisut ukiumoortumik nalunaarummik Naalackersuisunut saqqummiussisassapput:

- 1) Nalunaarasuartaateqarnermi Aqutsisut suliaat pillugit,
- 2) inatsimmut atuuttumut misilittagaat pillugit, kiisalu
- 3) nalunaarasuartaateqarnermi pissutsit pilersuisussaaitaanermut atuisunullu illersuinermut attuumassuteqartut.

Kapitali 5

Nalunaarasuartaateqarnermi Maalaaruteqartarfik

§ 17. Naalackersuisut Nalunaarasuartaateqarnermi Maalaaruteqartarfimmik arlaannulluunniit attuumassuteqanngitsumik pilersitsisinnaapput, nalunaarasuartaatitigut attaveqatigiinnermi maalaarutinik suliaqartartussamik.

Imm. 2. Nalunaarasuartaateqarnermi Maalaaruteqartarfik siulittaasoqassaaq, tassunga sinniisussamik ataatsimik arlalinnilluunniit ilaasortaqaassalluni, aammalu aningaasaqarnermik nalunaarasuartaateqarnermilu teknikkimut tunngasunik ilisimasalinnik marlunnik ilaasortaqaassalluni.

Imm. 3. Nalunaarasuartaateqarnermi Maalaaruteqartarfimmi ilaasortat ukiuni marlunni atuuttussanngorlugit qinerneqartassapput, qinigaaqqissinnaanermut periarfissaqartitsisoqarluni.

Imm. 4. Kalaallit Nunaanni Landsdommeri maalaaruteqartarfimmi siulittaasussamik taassumalu sinniisussaamik, inatsisilerineri soraarummeersimasumik toqqaassaaq.

Siulittaasooq eqqartuussivimmi fuldmægtigissamik toqqaaniarnermi piumasarineqartutut piginnaaneqassaaq misilittagaqassallunilu.

Imm. 5. Naalakkersuisut Kalaallit Nunaanni nalunaarasuartaateqarnermik suliassa qarfirmmit innersuussisoqareerneratigut ilaasortassanik marlunnik toqqaassapput.

Imm. 6. Naalakkersuisut Nalunaarasuartaateqarnermi Maalaaruteqartarfiup oqaaseqaataanik piniareernermik taassuma suleriaasissaanik aalajangersaassapput.

Imm. 7. Naalakkersuisut allattoqarfittut ikiorsiisussanik Nalunaarasuartaateqarnermi Maalaaruteqartarfimmut atugassiissapput.

§ 18. Nalunaarasuartaateqarnermi Maalaaruteqartarfiup Nalunaarasuartaateqarnermi Aqutsisut akuersissutinik pigisaqartut, kiffartuussinernik tuniniagaqartut allat aamma pilersuisussaataasut pillugit aalajangiinerinut maalaarutit suliarisassavai.

Imm. 2. Nalunaarasuartaateqarnermi Maalaaruteqartarfiup pissutsit imm. 1-imi taaneqartut pillugit maalaarutinut aalajangiineri sapinngisamik Nalunaarasuartaateqarnermi Maalaaruteqartarfimmut saqqummiunneqarneranniit kingusinnerpaamik qaammatit pingasut qaangiunnerini piareersimassapput.

Imm. 3. Suliassat suliarineqarnerat allakkatigut ingerlanneqassaaq.

§ 19. Naalakkersuisut Nalunaarasuartaateqarnermi Maalaaruteqartarfiup sulineranut maleruagassanik sukumiinerusunik aalajangersaassapput.

Paasissutissiisussaataaneq

§ 20. Nalunaarasuartaateqarnermi Maalaaruteqartarfiup maalaarutinik suliaqarnerminut atatillugu akuersissummik pigisaqartoq, pilersuisussaataallutik sullissisut aamma nalunaarasuartaateqarnermi tuniniagaqartut paasissutissanik aalajangiinissamut attuumassuteqartutut nalilerneqartunik piniarfigisinnaavai.

Nipangiussisimasussaataaneq

§ 21. Nalunaarasuartaateqarnermi Maalaaruteqartarfimmi sulisut Kalaallit Nunaanni pinerluttulerinermut inatsit naapertorlugu akisussaaffeqarlutik inuunnaat imaluunniit suliffeqarfiit aningaasaqarnikkut, inuussutissarsiornikkut imaluunniit inuttut inuunermit inissisimanerannut paasissutissat, suliassaminnik isumagisaqarnerminni ilisimalikkatik eqqarsaatigalugit susassaqqanngitsunut pinngitsooratik nipangiussisussaataanertik ataqqissavaat.

Imm. 2. Taamatut pisussaaffiliineq aammattaaq ikiortinut sulianik paasisimasalinnut, kiisalu allanut, Nalunaarasuartaateqarnermi Maalaaruteqartarfiup isumaqatigiissuteqarfiginerisigut suliassamik tiguisimasunut pissutsinillu pineqartunik ilisimasaqalersimasunut tamanut atuuppoq.

Imm. 3. Tamanna suliffeqarfimmut isumaqatigiissutaasimappat, taamatut pisussaaffiliineq sulisunut suliffimmi sulinerminni pissutsinik siuliani taaneqartunik ilisimasaqalersunut tamanut atuuppoq, tak. imm. 2.

§ 22. Nalunaarasuartaateqarnermi Maalaaruteqartarfiup aalajangigai allaffissornikkut oqartussaasunut allanut ingerlateqqinneqarsinnaanngillat.

Imm. 2. Nalunaarasuartaateqarnermi Maalaaruteqartarfiup aalajangiineri aalajangiinerup pineqartumut nalunaarutigineqarneraniit kingusinnerpaamik sapaatit akunnerisa arfineq pingasut qaangiunnerini eqqartuussivinnut ingerlateqqinneqarsinnaapput.

Kapitali 6

Pilersuisussaatitaaneq

Pilersuisussaatitaasussamik pilersuutissatullu pisussaaffinnik toqqaaneq

§ 23. Naalackersuisut pilersuisussaatitaanerup iluani kiffartuussissutinik ammanerulersinneqartunik sullissisussamik ataatsimik amerlanerusunilluunniit toqqaasinnaapput sukumiinerusunillu maleruagassiorsinnaallutik:

1) Nalunaarasuartaateqarnermik kiffartuussinerni arlaat pilersuisussaatitaaffiussanersoq.

2) Pilersuisussaatitaanermi nalunaarasuartaateqarnermik sullissinerit qanoq annertussuseqassanersut, taassuma ataani atortulersuutit sullississutillu suut tamatumunnga attuumassuteqassanersut.

3) Pilersuinissamut pisussaatitaaffik qanoq annertussuseqassanersoq, tak. imm. 2.

Imm. 2. Pilersuisussaatitaanermi pineqarpoq pilersuisussaatitaanerup iluani kiffartuussissutinik sullissisussamik, kikkunnulluunniit tamanna pillugu qinnuteqartunut pilersuisussaatitaanermi sullississutinik pilersuisussamik tuniniagaqartussamilluunniit toqqaanissamut pisussaatitaaffik, tamannalu aamma imm. 3 tunngavigalugu maleruagassiat piumasaaqatillu naapertorlugit pissaaq.

Imm. 3. Naalackersuisut nalunaarasuartaateqarnermi kiffartuussissutinik pilersuisussaatitaaffiusunik akinik aalajangersaasarnermut maleruagassanik aalajangersaasinnaapput.

Pilersuisussaatitaanermi amigartoorutinut aningaasaliisarneq

§ 24. § 23, imm. 1 naapertorlugu pilersuisussaatitaanerup iluani kiffartuussissutinik sullissisussatut toqarneqartoq pisinnaatitaavoq amigartoorutit, suliassaqarfimmi ammanerulersinneqartumi pilersuisussaatitaanermik suliakkerneqarnerup kingunerisaanik pilersimasinnaasut uppernarsarneqartut tamaasa matussusertissallugit.

Imm. 2. Naalackersuisut pilersuisussaatitaanerup iluani kiffartuussissutinik sullissisup naatsorsuutaasa ilusissaannut, amigartoorutinik naatsorsueriaasissamik uppernarsaasioriaasissamillu piumasaaqatit pillugit maleruagassanik sukumiinerusunik aalajangersaasinnaapput, tak. imm. 1.

Imm. 3. Nalunaarasuartaateqarnermi Aqutsisut pilersuisussaatitaanerup iluani kiffartuussissutinik sullissisoq imm. 1-imi taaneqartutut amigartoorutiminut matussusiiffiqineqarnissaminut naammattunik uppersaasiisimanersoq aalajangissavaat.

Imm. 4. Nalunaarasuartaateqarnermi Aqutsisut imm. 3 naapertorlugu uppersaammik akuersinerat kiffartuussissummik pilersuisussaatitaanerup amigartoorutit matussusertinneqarnissaannik pinsinnaatitsissaaq, tak. imm. 1.

Imm. 5. Naalackersuisut amigartoorutininut matussusiisarnep imm. 1-imi taaneqartup naatsorsorneqarnissaannut maleruagassanik sukumiinerusunik aalajangersaassapput.

Pilersuisussaatitaanerup iluani tuniniagaqartunut piumasaqaatit

§ 25. Naalackersuisut pilersuisussaatitaanerup iluani kiffartuussissutinik tuniniagaqarnermut pilersuinerullu atatillugu atuisut pinsinnaatitaaffiit tunngaviusussanik qulakkeerinissaaq eqqarsaatigalugu, pilersuisussaatitaanerup iluani kiffartuussissutinik sullississatut toqqarneqartup pisussaaffii pillugit maleruagassanik aalajangersaasinnaapput.

Imm. 2. Maleruagassat imm. 1 naapertorlugu aalajangersarneqartut piumasaqaatit nalinginnaasut, pilersuisussaatitaanerup iluani kiffartuussissutinik sullissisup atuisullu akornanni atuuttussat imaannut aalajangersakkanik immikkut piumasaqaateqarfiusunik imaqarsinnaapput, taamaattorli tak. § 28.

Imm. 3. Naalackersuisut isumaqatigiissutini piumasaqaatit imm. 2-mi taaneqartut Nalunaarasuartaateqarnermi Aqutsisunit akuerineqartarnissaannut maleruagassiorsinnaapput.

Kapitali 7

Nalunaarasuartaateqarnermi Aqutsisut, Nalunaarasuartaateqarnermi Maalaaruteqartarfik pilersuisussaatitaanermilu amigartoorutit aningaasalersorneqarnissaat

§ 26. Nalunaarasuartaateqarnermik suliaqartut Nalunaarasuartaateqarnermi Aqutsisut, Nalunaarasuartaateqarnermi Maalaaruteqartarfik pilersuisussaatitaanermilu amigartoorutaasinnaasut aningaasalersussavaat.

Imm. 2. Taakkununnga aningaasalersuutissatut ungasianiit attaveqatigiinnermik atuinermut immikkut akiliummik akiliisitsisoqartassaaq, taannalu akuersissummik pigisaqartup Nalunaarasuartaateqarnermi Aqutsisunut akilertassavaa.

Imm. 3. Akiliut imm. 1 naapertorlugu Inatsisartut Aningaasaqarnermut Inatsisaatigut aalajangersarneqartassaaq. Ungasissumit attaveqatigiinnermut akiliut amerlasuukkaaraluni tuniniaavimmut atatillugu akilersinneqartassaaq.

Kapitali 8

Atuisunik illersuineq

Nalunaarasuartaatitigut atassuteqarnermi atortulersuutinik nalunaarasuartaateqarnermilu kiffartuussissutinik piginnittunut tuniniagaqartunullu piumasaqaatit minnerpaaffiat

§ 27. Naalakkersuisut Naalakkersuisut atuisut kalerrisaarivimmut tamanut ammasumut aamma normunik paasiniaavinnut atassuteqarsinnaanissaat qulakkeerniarlugu nalunaarasuartaatitigut atassuteqarnermi atortulersuutinik piginnittut aamma nalunaarasuartaatitigut atassuteqarnermi atortulersuutinik nalunaarasuartaateqarnermilu kiffartuussissutinik tuniniagaqartut pisussaaffilerneqarnissaat eqqarsaatigalugu maleruagassanik aalajangersaasinnaapput, tamatuma ataani pisussaaffiliinerup tamatuma imasaanut sukumiinerusunik maleruagassiorneq.

Kingulliullutik atuisut pisinnaatitaaffii tunngaviusut

§ 28. Naalakkersuisut nalunaarasuartaatitigut kiffartuussissutinik tuniniagaqartut atuisunut sullissisuusut pilersuinissamut isumaqatigiissuteqarnermut atatillugu atuisut pisinnaatitaaffiitut tunngavissanik arlalinnik qulakkeerinissaq anguniarlugu nalunaarasuartaatitigut kiffartuussissutinik tuniniagaqartut atuisunut sullissisut pisussaaffilerneqarnissaat eqqarsaatigalugu maleruagassanik aalajangersaasinnaapput.

Imm. 2. Imm. 1 naapertorlugu maleruagassat ilaatigut aalajangersakkanik imaattunik imaqarsinnaapput

1) Tunngaviusumik sullitanut attaveqarnermi qanorluunniit ittumi allakkatigut isumaqatigiissuteqarsimanissaq, isumaqatigiissusiassap ilusissaanut piumasaqaatit minnerpaaffilerneqarnerat, sullissisup paasissutissiisussaatitaanera, kiisalu isumaqatigiissutip imasaanut isumaqatigiissummilu piumasaqaatigineqartussanut piumasaqaatit minnerpaaffissaat, matumani ilaallutik isumaqatigiissummi piumasaqaatit imassaanni piffissap pituttorsimaffiusussap, akinik piumasaqaatinillu allannguinermi siumut ilisimatitsinissap, qularnaveeqqusiinissap, taamaatitsinissap aammalu ilaatigut atuisup tungaaniit sumiginnaasoqarneranut atatillugu attaveersinerup sivisunerpaaffissaanut piumasaqaatit minnerpaaffissaat.

2) Terminalinut atortunut teknikkikkullu atortulersuutinik immikkut ittunik atugassiissutinik atassusiinermut atuinermullu piumasaqaatit minnerpaaffissaat.

3) Atugassanik atortunillu immikkut ittunik atuisunut atugassiinissamut pisussaaffeqarneq, matumani ilaalluni atugassat atortullu taakku atuisunut akeqanngitsumik atugassiinnaanermut, aammalu atugassat atortullu pineqartut pillugit atuisunut ilisimatitsinissamut pisussaaffeqarneq.

4) Immikkut ittunik atuisuusut, tamatumani ilaallutik innarluutillit, pisariaqartitaannik naammassinninnissaq.

Imm. 3. Imm. 1 aamma 2 naapertorlugit maleruagassiornermi aalajangerneqarsinnaavoq pineqartut taamaallaat isumaqatigiissutinut aalajangersimasunut atuutissasut, matumani ilaallutik atuisunut inuussutissarsiutinik ingerlataqanngitsunut isumaqatigiissutit, aammalu maleruagassat isumaqatigiissutigineqareernerminni sanioqqunneqarsinnaassanngitsut.

§ 29. Naalakkersuisut nalunaarasuartaatitigut kiffartuussissutinik atuisunut tuniniagaqartut tuniniaanerminnut atatillugu atuisut ammasumik assigiimmillu periarfissaqarfiusumik

nalunaarasuartaatitigut kiffartuussivinnik tuniniagaasunik atuinissamut periarfissinneqarnissaat qulakkeerniarlugu maleruagassanik aalajangersaasinnaapput.

§ 30. Naalakkersuisut oqarasuaatinik akiliilluni atorneqartartunik, tuniniagaqartunut oqarasuaatinik akiliilluni atorneqartartunik pilersitsinissamut ingerlatsinissamullu piumasaaqatit annikinnerpaaffissaannik imaqartunik maleruagassiorsinnaapput.

Nalunaarasuartaatitigut attaveqaqatigiinnernik isertuussineq

§ 31. Nalunaarasuartaatitigut attaveqaqatigiinnermut atortunik piginnittut, nalunaarasuartaatitigut attaveqarnermut atortunik imaluunniit nalunaarasuartaatitigut kiffartuussinernik tuniniagaqartut kiffartuussissummik allat atuinerat pillugu paasissutissat taakkuluunniit imaasa susassaqaqngitsunit pissarsiarineqarsinnaannginnissaat qulakkeerniarlugu iliuuseqaassapput.

Imm. 2. Nalunaarasuartaatitigut attaveqaqatigiinnermut atortunik imaluunniit nalunaarasuartaatitigut kiffartuussinernik piginnittut tuniniagaqartullu, inuinnaat imaluunniit suliffeqarfiit aningaasaqarnikkut inissisimanerannut paasissutissat, suliassaminnik isumagisaqarnerminni ilisimalikkatik eqqarsaatigalugit susassaqaqngitsunut pinngitsooratik nipangiussisussaataitanertik ataqqissavaat.

Imm. 3. Taamatut pisussaaffiliineq aammattaaq maanna sulisuusunut siornatigullu sulisorineqarsimasunut, piginnittumut imaluunniit tuniniagaqartumut sullissinerminni pissutsinik taamaattunik ilisimalersimasaqalersimasunut atuuppoq.

Imm. 4. Pisussaaffiliineq aama atuutissaaq ikiortaallutik sulisunut immikkut ilisimasalinnut aammalu kikkunnulluunniit tamanut piginnittumik neqerooruteqartumilluunniit isumaqatiginnillutik sulilersimasumut taannalu aqqutigalugu pissutsinik taamaattunik ilisimasaqalersimasunut. Tamanna suliffeqarfimmu isumaqatigiissutaasimappat, taamatut pisussaaffiliineq sulisunut suliffimmi sulinerminni pissutsinik siuliani taaneqartunik ilisimasaqalersunut tamanut atuuppoq.

Inuit pillugit paasissutissanik suliaqarneq normunillu isertortunik ingerlatitseqqittarneq

§ 32. Naalakkersuisut nalunaarasuartaatitigut kiffartuussinermik tuniniagaqartut nalunaarasuartaatitigut atassuteqarnermut atatillugu inuit pillugit paasissutissanik oqarasuaatillu normuinik isertortunik suliaqarnerannut maleruagassanik aalajangersaasinnaapput.

Kapitali 9

Nalunaarasuartaatitigut attaveqarneq inuiaqatigiinnut pingaarutilik

§ 33. Naalakkersuisut nalunaarasuartaatitigut attaveqarnermi atortulersuutunik sullissisut aamma nalunaarasuartaatitigut kiffartuussissutinik sullissisut inuiaqatigiinni

nalunaarasuartaatitigut attaveqarnek pingaarutilik qulakkeerniarlugu pilersaarusiortarnissaat iliuseqartarnissaallu pillugu maleruagassanik aalajangersaasinnaapput.

Imm. 2. Nalunaarasuartaatitigut attaveqaatit upalungaarsimanerni pisunilu allani immikkut ittuni attaveqaqatigiinnermut tunngavissiisut, matumani ilaallutik immikkut atortussiat, Namminersorlutik Oqartussanut aningaasartuutaanngitsumik atortunik immikkut ittunik pilersuinissamat pisussaaffeqassaaq.

Imm. 3. Naalakkersuisut maleruagassanik imm. 1-imi taaneqartut assinginik, pisortani oqartussaasunut kiisalu pisortat namminersortullu suliffeqarfiutaannut sullissiviutaannullu atuutsinneqartussanik aalajangersaasinnaapput.

Kapitali 10

Pineqaatissiisinnanermut aalajangersakkat

§ 34. § 1, imm. 1-ip aamma § 7-ip unioqqutinneqarneri Kalaallit Nunaanni pinerluttulerinnermut inatsimmi maleruagassat naapertorlugit akiliisussanngortitsinermik kinguneqarsinnaavoq.

Imm. 2. § 31-p unioqqutinneqarnera Kalaallit Nunaanni pinerluttulerinnermut inatsimmi maleruagassat naapertorlugit akiliisussanngortitsinermik pinerluuteqarsimasunilluunniit inissiisarfimmiittussanngortitsinermik kinguneqarsinnaavoq.

Imm. 3. § 8, imm. 1, § 12 aamma § 23, imm. 2 naapertorlugit peqqussuteqarnerup malinneqannginnerini Kalaallit Nunaanni pinerluttulerinnermut inatsimmi maleruagassat naapertorlugit akiliisussanngortitsisoqarnissaa aalajangerneqarsinnaavoq.

Imm. 4. § 3, § 23, § 25, § 27 aamma § 29 naapertorlugit peqqussuteqarneri Kalaallit Nunaanni pinerluttulerinnermut inatsimmi maleruagassat naapertorlugit akiliisussanngortitsisoqarnissaa aalajangerneqarsinnaavoq.

Imm. 5. Inatsisartut inatsisaanni imaluunniit Inatsisartut inatsisaat naapertorlugu peqqussitini akiligassanngortitsinissap aalajangerneqarnissaa inatsisitigut tunngavissinneqarpat, Kalaallit Nunaanni pinerluttulerinnermut inatsimmi maleruagassat naapertorlugit suliffeqarfinnut akiliisussanngortitsisoqarsinnaavoq.

Imm. 6. Imm. 1-5 naapertorlugit suliat Kalaallit Nunaata Eqqartuussivianut siullertut suliakkiissutigineqartassapput.

Imm. 7. Imm. 1-5 naapertorlugit akiligassiinerit Nunatta karsianut nakkartinneqassapput.

§ 35. Inatsisartut inatsisaanni matumani imaluunniit taanna naapertorlugu peqqussutini aalajangersakkanik unioqqutitsinerni Pinerluttulerineq pillugu inatsimmi arsaarinninnermut malittarisassat taamatuttaaq atuutissapput.

Imm. 2. Imm. 1 naapertorlugu arsaarinnissutit Nunatta karsianut nakkartinneqassapput.

Kapitali 11

Atulorfissaanut aalajangersakkat il.il.

§ 36. Inatsisartut inatsisaat manna atuutilerpoq ulloq 31. januar 2018-imi.

Imm. 2. Tamatumunnga peqatigitillugu nalunaarasuartaatitigut attaveqarneq sullissinerillu pillugit Inatsisartut peqqussutaat nr. 17 20. novembari 2006-imeersoq atorunnaarsinneqarpoq.

Imm. 3. Inatsisartut inatsisaanni imm. 2-imi taaneqartoq naapertorlugu aqutsinermi peqqussutit Inatsisartut inatsisaanni matumani maleruagassat aalajangersarneqartut tunngavigalugit taarserneqarnissamik atorunnaarsinneqarnissamillu tungaanut atuutiinnarallassapput.

§ 37. Danskit-amerikamiut illersornissamut suliassa qarfiinut Inatsisartut peqqussutaat nr. 10, 28. oktober 1993-imeersoq, danskit-amerikamiut illersornissamut suliassa qarfiini nalunaarasuartaatitigut attaveqatigiinneq aamma nalunaarasuartaatitigut sullissinerit pillugit Namminersornerullutik Oqartussat nalunaarutaatigut nr. 31-ikkut, 10. august 2001-imeersukkut, isumaqatigiissut 27. april 1951-imeersoq naapertorlugu atuutsinneqalersoq tunngavigalugu atuutsinneqalersoq atuutiinnassaaq, imm. 2 naapertorlugu Inatsisartut peqqussutaata matuma atuutilernissaata tungaanut.

Imm. 2. Inatsisartut peqqussutaat manna Kalaallit Nunaannut inatsimmi nr. 1089-imi, 29. december 1997-imeersumi § 3 naapertorlugu aamma ilinniartitaanermut Ilisimatusarnermullu Ministerip isumaqatigiissuteqarfigineratigut danskit amerikamiullu ataatsimut illersornissamut suliassa qarfiinut, Kalaallit Nunaanni illersornissaq pillugu aalajangersagaq 27. august 1951-imeersoq naapertorlugu pilersinneqarsimasunut atuutsinneqalersinnaavoq.

Namminersorlutik Oqartussat, ulloq xx.xx. 2017

Kim Kielsen